



ARUBA ANSE COURANT

GEBRUIK

dagelijks
DOMO POWDER MILK
agents
VELD STORES

Dagblad



voor Aruba

FRESH UP

WITH

7 - UP

agents

VELD STORES

10DE JAARGANG

MAANDAG 11 FEBRUARI 1957

Esbelto Pappy Winterdaal como Prins y gordo Rey Orman como su Pancho lo bai dirigi Carnaval di Aruba 1957

Eleccion anima den Aruba Social Club

POS CHIQUITO.— Den Aruba Social Club Diasabra anochi un jurado cu tabata consisti di cinco caballeros a eligi Prins Carnaval for di seis candidato. Rondo di e eleccion aki tabatin proyecta henter un anochi di pret carnavalesco door di Comite di Carnaval 1957, cual a worde asisti door di trescien hende.



Proclamacion di Pappy Winterdaal como Prins Carnaval Diasabra anochi den Aruba Social Club, tabata masha entusiasma door di e tanto supporter nan di e. Apesar di e ora hasta avanza — kizas podiser hustamente door di esei — tabatin un entusiasmo enorme pa e eleccion, di cual e foto aki riba ta un demostracion.

For di Corsow a bini Conjunto Liri-
co Antillano cual conjunto a conquista
un bon nomber na nos isla tambe. Di-
rectiva di Aruba Social Club cu masha
buena voluntad a pone e club aki na
disposicion di Comite di Carnaval,
mientras cu e Comite tambe di parti di
comercio a hanja tur clase di coopera-
cion den forma di diferente regalo, di
moda cu tabata posibel pa nan hasta
sobra algun plaka di e anochinan aki,
plaka cu nan lo tin tanto mester di jje

pa financia despues e sobra plannan.
Ademas di e eleccion di Prins di
Carnaval nan a lot tambe dos premio
na porta, un aparato di radio Blau-
punkt regala door di Mario S. Arends
N.V. y un kaarchi pa por bai henter un
luna sin paga na cualquier di e cinenan
di e concern De Veer.
E candidatonan pa Prins di Carnaval
a worde separa den dos grupo y nan a
hanja chens di presenta nan mes na e
publico.

CONTRAN ARENDS A KEDA ELIGI TIVOLI JOKER 1957

ORANJESTAD. — Tabata hopi ani-
ma e anochi di baile Rock & Roll
Diasabra den Tivoli Club den e pro-
grama di celebracion di carnaval. Ta-
bata realmente Rock & Roll. E club
tabata decora paden completamente den
estilo di R. & R. y meskos e miembro-
nan cu a asisti na gran numero. Segun
nos a tende e decoracion bon ei den e
club tabata di gradici por gran parte na
senior H. A. Kemmink, kende cu ani-
mo y bon boluntad a tuma parti na e
decoracion.

Un numero di e fiesta tabata elec-
cion di e figuranan tradicional di car-
naval pa Tivoli Club. Pa Reina Carnaval
1957 a keda elegi seniorita. Anna Ca-
tharina Arends, jiu di viuda S. Arends.
E hobencita aki a hanja 9.886 voto, lo
cual ta mas o menos 2.000 voto mas
cu su siguiente seniorita Clara Osorio.

Joker di Tivoli Club e anja aki a bi-
ra Contran Arends, kende mester a
competi cu senjores Albertico Arends y
Joe van der Schoot. Sr. Contran Arends
a ricibi 520 voto y cu esei ela bira un
digno sucesor di senior Eric Arends
kende tabata Joker 1956.

E honor di ta Joyita di Tivoli Club e
anja aki a cai na Madelene Arends, jiu
di senior Eric Arends. Ela hanja 3.047
voto.

E total di voto cu a worde bende pa
eleccion di e tres figurinan di carnaval
aki tabata mas cu 25.000!

Den e prome rond tabatin E. Lopez di
Aruba Dramatic Club, M. Ponson di
Caribe Club y J. Geerman di A.S.V.
„Trappers”.

E dos promenan tabatin ya caba bis-
ti trajenan di e ocasion di carnaval.
Despues a bini na beurt Pappy Winter-
daal cu su Pancho Rey Orman di Ha-
brak Boys (nan a bini cu un cantidad
di supporter), C. Leest di Rio Club, P.
Perez di Bowerly Boys y E. Schwengle
di Social Club.

Tur a bini adilanti cu nan ideanan
respecto di carnaval na cada un su mes
manera, dunando e jurado di e manera
ei di por formula nan opinion. A tuma
basta tempo prome cu e jurado a bini
cla, pero banda di tres or di madrugada
di Diadomingo (e fiesta a worde alar-
ga cu un hora) a worde anuncia cu Pa-
ppy Winterdaal lo bai estimula e alegria
di carnaval na Aruba e anja aki, den
cual trabao lo e worde ayuda cu e gor-
do Rey Orman como Pancho.